



Broj: 06-07-4-190-2/25 (G. V.)
Istočno Sarajevo, 19.02.2025. godine

 BOSNA I HERCEGOVINA
AGENCIJA ZA OSIGURANJE U BiH

PRIMLJENO: 27-02-2025			
Organizaciona jedinica	Klasifikaciona oznaka	Broj prijave	Broj priloga
02	50	304-5	

BOSNA I HERCEGOVINA
AGENCIJA ZA OSIGURANJE
Dubrovačka 6/II
71 000 Sarajevo

PREDMET: Nacrt Akcionog plan borbe protiv korupcije u Agenciji za osiguranje u BiH za period 2025-2028., **mišljenje**, dostavlja se;

VEZA: Vaš akt broj: 02-50-304-5/24 od 10.02.2025. godine

Poštovani,

Vežano za vaš akt, broj i datum veze, obavještavamo vas da je Agencija za prevenciju korupcije i koordinaciju borbe protiv korupcije izvršila analizu Nacrta Akcionog plana borbe protiv korupcije u Agenciji za osiguranje u BiH za period 2025-2028.

Ovim putem vas obavještavamo da smo saglasni sa tekstom dostavljenog Nacrta Akcionog plana, te dajemo naše pozitivno mišljenje na isti.

S poštovanjem,

ZAMJENICI DIREKTORA
Damirka Mioč **Rade Ristović**

Dostavljeno:

- 1x Naslovu
- 1x a/a

AGENCIJA ZA OSIGURANJE
U BOSNI I HERCEGOVINI



АГЕНЦИЈА ЗА ОСИГУРАЊЕ
У БОСНИ И ХЕРЦЕГОВИНИ

03.03.21
Azobih.
elmy

INSURANCE AGENCY OF
BOSNIA AND HERZEGOVINA

**AKCIONI PLAN BORBE PROTIV KORUPCIJE
U AGENCIJI ZA OSIGURANJE U BOSNI I HERCEGOVINI
ZA PERIOD 2025.-2028.**

Sarajevo, mart 2025.godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17) i člana 9. Pravilnika o unutrašnjoj organizaciji Agencije za osiguranje u Bosni i Hercegovini br.02-02-2-322-53/19 od 25.04.2023.godine, a u skladu sa Strategijom borbe protiv korupcije 2024.-2028., Akcionim planom za provođenje Strategije borbe protiv korupcije 2024.-2028., te Smjernicama i preporukama za izradu planova borbe protiv korupcije u institucijama Bosne i Hercegovine, direktorica Agencije za osiguranje u Bosni i Hercegovini donosi

AKCIONI PLAN BORBE PROTIV KORUPCIJE U AGENCIJI ZA OSIGURANJE U BOSNI I HERCEGOVINI ZA PERIOD 2025.-2028.

I – U V O D

Korupcija kao globalni fenomen proizvodi veliki broj negativnih efekata koji direktno narušavaju vladavinu prava, stabilnost i integritet demokratskih institucija, te usporavaju ekonomski i ukupan društveni razvoj. Rezultat takvih negativnih efekata jeste slabljenje uloge javne uprave zasnovane na zakonu i gubitak povjerenja građana u javnu upravu i sistem vlasti. Stoga je borba protiv korupcije prioritet i jedan od najvažnijih izazova vladavine prava kao ključnog demokratskog načela.

Pojam korupcije je definisan na različite načine kroz niz međunarodnih dokumenata. Prema Građanskopravnoj konvenciji protiv korupcije Vijeća Evrope "korupcija" predstavlja traženje, nuđenje, davanje ili primanje, direktno ili indirektno, mita ili bilo koje druge nezakonite koristi ili stavljanja toga u izgled, koje izopačuje propisano izvođenje neke dužnosti ili ponašanja koje se zahtijeva od primatelja mita, nezakonite koristi ili osobe kojoj se to stavlja u izgled.

Najznačajniji međunarodni dokumenti u području borbe protiv korupcije, a koje je Bosna i Hercegovina potpisala i ratificirala su:

- Konvencija Ujedinjenih naroda protiv korupcije (UNCAC);
- Krivično-pravna konvencija Vijeća Evrope o korupciji;
- Dodatni protokol Krivično-pravne konvencije o korupciji;
- Građansko-pravna konvencija Vijeća Evrope o korupciji;

- Konvencija UN-a protiv transnacionalnog organiziranog kriminala i
- Konvencija Vijeća Europe o pranju, traganju, privremenoj zapljeni i oduzimanju prihoda stečenoga krivičnim djelom i o finansiranju terorizma.

Članom 2. Zakona o Agenciji za prevenciju korupcije i koordinaciju borbe protiv korupcije ("Službeni glasnik BiH", br.103/09 i 58/13) korupcija je definisana kao svaka zloupotreba moći povjerene javnom službeniku ili licu na političkom položaju na državnom, entitetskom, kantonalnom nivou, nivou Brčko distrikta Bosne i Hercegovine, gradskom ili općinskom nivou, koja može dovesti do privatne koristi. Korupcija posebno može uključivati direktno ili indirektno zahtijevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, kojima se narušava odgovarajuće obavljanje bilo kakve dužnosti ili ponašanja očekivanih od primaoca mita.

Sedmi, od 14 ključnih prioriteta iz Mišljenja Evropske Komisije o Zahtjevu Bosne i Hercegovine za članstvo u Evropskoj Uniji od 29. maja 2019.godine glasi: „*Jačati prevenciju i borbu protiv korupcije i organizovanog kriminala, uključujući i protiv pranja novca i terorizma*”.

Vijeće ministara Bosne i Hercegovine je na 52.sjednici održanoj 18.06.2024.godine donijelo Odluku o usvajanju Strategije borbe protiv korupcije 2024.-2028. i Akcionog plana za provođenje Strategije borbe protiv korupcije 2024.-2028. ("Službeni glasnik BiH", broj 50/24).

Agencija za prevenciju korupcije i koordinaciju borbe protiv korupcije je aktom br.05-02-2-447-125/23 od 15.08.2024.godine obavijestila sve institucije sa nivoa Bosne i Hercegovine o usvajanju Strategije borbe protiv korupcije 2024.-2028.(u daljnjem tekstu Strategija) i Akcionog plana za provođenje Strategije borbe protiv korupcije 2024.-2028.(u daljnjem tekstu: Akcioni plan), te pozvala iste na donošenje vlastitih planova borbe protiv korupcije i blagovremeno preduzimanje odgovarajućih mjera za implementaciju.

Aktom br.06-07-4-476-1/24 od 15.11.2024.godine Agencija za prevenciju korupcije i koordinaciju borbe protiv korupcije je institucijama Bosne i Hercegovine dostavila Smjernice i preporuke za izradu planova borbe protiv korupcije u institucijama Bosne i Hercegovine (u daljnjem tekstu: Smjernice) kako bi institucije pristupile izradi pojedinačnih planova borbe protiv korupcije za period 2024-2028.godina.

II – MANDAT I ORGANIZACIONA STRUKTURA AGENCIJE ZA OSIGURANJE U BOSNI I HERCEGOVINI

1. Mandat Agencije

Agencija za osiguranje u Bosni i Hercegovini (u daljnjem tekstu: Agencija) je samostalna upravna organizacija osnovana Zakonom o Agenciji za osiguranje u Bosni i Hercegovini (“Službeni glasnik BiH”, broj 12/04) koja za svoj rad odgovara Vijeću ministara Bosne i Hercegovine.

Nadležnosti Agencije su:

- zakonodavna uloga koja podrazumijeva predlaganje zakona i drugih akata na nivou entiteta, kao i izmjena i dopuna postojećih zakona iz ove oblasti, davanje saglasnosti na nacрте, odnosno prijedloge zakona i drugih akata, koje predloži jedan ili oba entiteta, te donošenje smjernica za usklađivanje entitetskog zakonodavstva;
- rješavanje sporova između entitetskih agencija za nadzor osiguranja, ukoliko postoji spor ili potreba za usmjeravanjem ili tumačenjem propisa između agencija za nadzor osiguranja entiteta i Brčko distrikta Bosne i Hercegovine (u daljnjem tekstu: Brčko distrikt) u vezi s usklađivanjem nadzornih vlasti oba entiteta i Brčko distrikta, u pogledu nadzora poslova osiguranja između dva entiteta i Brčko distrikta, ili entiteta i Brčko distrikta i trećih zemalja, ili kad je u pitanju nadzor s namjerom održavanja slobodnog kretanja usluga osiguranja unutar Bosne i Hercegovine;
- međunarodni odnosi, što podrazumijeva postavljanje predstavnika koji će pohađati međunarodne i regionalne forume, forume Evropske unije u vezi s nadzorom, pravom i praksom osiguranja, zatim davanje svih podataka koje može zahtijevati Evropska unija u vezi s zakonom i praksom o osiguranju u Bosni i Hercegovini, zaključivanje ugovora o saradnji za razmjenu podataka s nadležnim organima drugih zemalja, uz saradnju s entitetskim agencijama za nadzor osiguranja;
- praćenje rada Biroa zelene karte u Bosni i Hercegovini u skladu sa zakonima i propisima koji se primjenjuju na aktivnosti Biroa zelene karte u Bosni i Hercegovini, a u vezi sa ispunjavanjem zahtjeva Vijeća Biroa;
- vođenje statistike u pogledu poslovanja tržišta osiguranja u Bosni i Hercegovini, te podnošenje statističkih izvještaja, u ime Bosne i Hercegovine Evropskoj komisiji ili bilo kojem drugom međunarodnom tijelu koje dostavi zahtjev za dobijanje dostupnih podataka.

2. Organizaciona struktura Agencije

U skladu sa Zakonom o Agenciji za osiguranje u Bosni i Hercegovini organ upravljanja Agencijom je Upravni odbor Agencije koji se sastoji od sedam članova. Vijeće ministara Bosne i Hercegovine imenuje predsjednika Upravnog odbora Agencije i još dva člana Upravnog odbora

Agencije od kojih je jedan predstavnik Ministarstva finansija i trezora Bosne i Hercegovine, a jedan predstavnik iz oblasti osiguranja, te po dva člana predložena od strane entitetskih ministarstava finansija (jedan član iz ministarstva finansija i jedan iz oblasti osiguranja). Vijeće ministara Bosne i Hercegovine imenuje Upravni odbor Agencije na period od tri godine.

Prema Zakonu o Agenciji za osiguranje u Bosni i Hercegovini zakonodavna uloga Agencije, propisana članom 6., je u nadležnosti Upravnog odbora Agencije. Pored ove nadležnosti Upravni odbor Agencije je nadležan za rješavanje sporova između agencija za nadzor osiguranja, na način propisan članom 7. Zakona o Agenciji za osiguranje u Bosni i Hercegovini. Pored toga Upravni odbor Agencije daje prethodnu saglasnost na statistike u pogledu poslovanja tržišta osiguranja u Bosni i Hercegovini koje vodi Agencija, a koje se godišnje objavljuju u službenim glasilima Bosne i Hercegovine, entiteta i Brčko distrikta.

Agencijom rukovodi direktor kojeg bira Upravni odbor Agencije i imenuje Vijeće ministara Bosne i Hercegovine u skladu sa Zakonom o državnoj službi u institucijama Bosne i Hercegovine ("Službeni glasnik BiH", br. 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12, 93/17 i 18/24) i Zakonom o Agenciji za osiguranje u Bosni i Hercegovini na period od pet godina. Direktor Agencije je rukovodeći državni službenik na random mjestu sekretara sa posebnim zadatkom.

Pravilnikom o unutrašnjoj organizaciji Agencije za osiguranje u Bosni i Hercegovini, je propisana organizacija i sistematizacija radnih mjesta, kao i broj izvršilaca. Poslovi iz nadležnosti Agencije se obavljaju kroz dvije samostalne organizacione jedinice:

- Odjeljenje za usklađivanje zakonodavstva, arbitražu, pravne, kadrovske i opšte poslove i
- Odjeljenje za međunarodnu saradnju, finansije, statistiku i aktuarstvo.

Prema Pravilniku o unutrašnjoj organizaciji Agencije za osiguranje u Bosni i Hercegovini u Agenciji je sistematizovano 11 radnih mjesta od čega:

- 1 radno mjesto rukovodećeg državnog službenika – direktor (sekretar sa posebnim zadatkom),
- 9 državnih službenika i
- 1 zaposlenik.

3. Odgovornosti i uloga Agencije u sistemu prevencije i borbe protiv korupcije (vizija i misija)

Kako korupcija ne bi narušila temeljne društvene vrijednosti neophodno je istu suzbiti i svesti na najmanju moguću mjeru putem konzistentnih i efikasnih mjera kojima će se uticati na percepciju javnosti i podići javna svijest o neophodnosti sankcionisanja svakog oblika koruptivnog ponašanja.

Prema Izvještaju Evropske komisije za Bosnu i Hercegovinu za 2024.godinu, Bosna i Hercegovina se trenutno nalazi između rane faze pripremljenosti i određenog nivoa pripremljenosti u dijelu koji se tiče borbe protiv korupcije. U tom smislu je neophodno aktivno učešće svih segmenata društva, a prije svega svih institucija na svim nivoima vlasti u Bosni i Hercegovini, kako bi se ova ocjena u narednom periodu unaprijedila.

U cilju provođenja mjera predviđenih Strategijom i Akcionim planom, za period 2024.- 2028. godina Agencija je, po dostavljanju Smjernica od strane Agencije za prevenciju korupcije i koordinaciju borbe protiv korupcije, pristupila izradi vlastitog Akcionog plana borbe protiv korupcije za period 2025-2028.godina (u daljnjem tekstu: Akcioni plan borbe protiv korupcije Agencije). Na ovaj način Agencija u kontinuitetu daje svoj doprinos sistemu prevencije i smanjenju novoa korupcije kroz svoj mandat i obavljanje zadataka i aktivnosti iz svoje nadležnosti. U sistemu borbe protiv korupcije Agencija ima preventivnu ulogu kroz davanje podrške politikama, strategijama i aktivnostima svih institucija u prevenciji i sprečavanju korupcije, kroz jačanje svijesti i odgovornosti u korištenju javnog novca, transparentnost svoga djelovanja, kao i kroz izvještavanje nadležnih organa i tijela o rezultatima svoga rada, te poticanje saradnje sa svim relevantnim institucijama u prevenciji i borbi protiv korupcije.

Obavljanjem poslova i aktivnosti iz okvira svoje nadležnosti na odgovoran i transparentan način u okvirima zakonom propisanih ovlaštenja, uz puno poštivanje ustavnog principa vladavine prava, te kroz punu podršku i saradnju sa institucijama i tijelima zaduženim za prevenciju i borbu protiv korupcije i revizorskim institucijama, kao i demonstriranjem nulte tolerancije prema korupciji, Agencija u kontinuitetu nastoji da kod građana ulije povjerenje u efikasnost i pouzdanost Agencije kao dijela javnog sektora.

Kroz nadležnosti propisane Zakonom o Agenciji za osiguranje u Bosni i Hercegovini, Agencija treba da doprinese razvoju efikasnog i funkcionalnog tržišta osiguranja u Bosni i Hercegovini usklađenog sa pravnom tečevinom EU iz ove oblasti, te obezbijedi jednak i ravnopravan odnos prema svim društvima za osiguranje u oba entiteta i Brčko distriktu Bosne i Hercegovine i da osigura jednaku pravnu zaštitu kako za ugovorače osiguranja, tako i za treću stranu - podnosiocima odštetnih zahtjeva na teritoriji Bosne i Hercegovine.

Također, u proteklom period Agencija je donijela niz podzakonskih internih akata (općih i pojedinačnih), kojima je upotpunjen pravni okvir koji treba da doprinese prevenciji i borbu protiv korupcije. Postojeći interni podzakonski akti se, po potrebi i u ovisnosti o izmjeni relevantnih propisa, blagovremeno ažuriraju.

Akcioni plan borbe protiv korupcije Agencije predstavlja skup pravnih i drugih mjera koje se planiraju i preduzimaju radi preveniranja koruptivnih pojava, odnosno sprečavanja stvaranja preduvjeta za njihov nastanak u okviru Agencije kao cjeline, njenih organizacionih dijelova ali i pojedinačnih radnih mjesta, sa utvrđenim linijama odgovornosti i vremenskim okvirom za implementaciju.

Tokom izrade Akcionog plana borbe protiv korupcije Agencije, Agencija je ostvarila saradnju sa Agencijom za prevenciju korupcije i koordinaciju borbe protiv korupcije, kroz pojedinačne konsultacije, a predstavnik Agencije je prisustvovao online konsultacijama dana 29.01.2025.godine, organiziranim za sve institucije od strane Agencije za prevenciju korupcije i koordinaciju borbe protiv korupcije. Po finalizaciji i usvajanju Akcionog plana borbe protiv korupcije, Agencija će pristupiti realizaciji istog o čemu će blagovremeno izvještavati Agenciju za prevenciju korupcije i koordinaciju borbe protiv korupcije.

III – NORMATIVNI I STRATEŠKI OKVIR U BROBI PROTIV KORUPCIJE

1. Međunarodni dokumenti u području borbe protiv korupcije ratificirani i potpisani od strane Bosne i Hercegovine

Bosna i Hercegovina se potpisivanjem i ratificiranjem konvencija iz oblasti antikorupcije obavezala na međunarodnu saradnju u svakom aspektu borbe protiv korupcije, uključujući prevenciju, istragu, procesuiranje počinitelaca, kao i zamrzavanje, zapljenu i konfiskaciju imovinske koristi ostvarene djelom korupcije.

Najznačajniji međunarodni dokumenti u području borbe protiv korupcije, koje je Bosna i Hercegovina potpisala i ratificirala su:

- Konvencija Ujedinjenih naroda protiv korupcije ("Službeni glasnik BiH"-Međunarodni ugovori, broj:5/06);
- Krivično-pravna konvencija o korupciji ("Službeni glasnik BiH"-Međunarodni ugovori, broj:36/01);
- Dodatni protokol Krivično-pravne konvencije o korupciji;
- Građansko-pravna konvencija o korupciji ("Službeni glasnik BiH"-Međunarodni ugovori, broj:36/01);
- Konvencija Ujedinjenih naroda protiv transnacionalnog organiziranog kriminala, sa tri pripadajuća protokola ("Službeni glasnik BiH"-Međunarodni ugovori, broj:3/02);
- Konvencija o pranju, traganju, privremenom oduzimanju i oduzimanju prihoda stečenih krivičnim djelom ("Službeni glasnik BiH"-Međunarodni ugovori, broj:4/06).

3. Normativni okvir u borbi protiv korupcije na nivou Bosne i Hercegovine:

Najbitniji zakoni kojima se na nivou Bosne i Hercegovine na direktan ili indirektan način doprinosi prevenciji i borbi protiv korupcije:

- Krivični zakon Bosne i Hercegovine ("Službeni glasnik BiH", br. 3/03, 32/03, 37/03, 54/04, 61/04, 30/05, 53/06, 55/06, 8/10, 47/14, 22/15, 40/15, 35/18, 46/21, 31/23 i 47/23);
- Zakon o krivičnom postupku Bosne i Hercegovine („Službeni glasnik BiH“, br. 03/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 58/08, 12/09, 16/09, 93/09, 72/13 i 65/18);
- Zakon o zaštiti svjedoka pod prijetnjom ugroženih svjedoka ("Službeni glasnik BiH", br. 21/03, 61/04 i 55/05);
- Zakon o programu zaštite svjedoka u Bosni i Hercegovini ("Službeni glasnik BiH", broj 36/14);
- Zakon o međunarodnoj pravnoj pomoći ("Službeni glasnik BiH", br.53/09 i 58/13);
- Zakon o Agenciji za prevenciju korupcije i koordinaciju borbe protiv korupcije („Sužbeni glasnik BiH“, br. 103/09 i 58/13);
- Zakon o zaštiti lica koja prijavljuju korupciju u institucijama Bosne i Hercegovine („Sužbeni glasnik BiH“, broj 100/13);
- Zakon o sprečavanju sukoba interesa u institucijama na nivou Bosne i Hercegovine („Službeni glasnik BiH“, broj 18/24);
- Zakon o reviziji u institucijama Bosne i Hercegovine ("Službeni glasnik BiH", broj 12/06);
- Zakon o internoj reviziji u institucijama Bosne i Hercegovine ("Službeni glasnik BiH", br. 27/08 i 32/12);
- Izborni zakon Bosne i Hercegovine ("Službeni glasnik BiH", br. 23/01, 7/02, 9/2002, 20/02, 25/02, 4/04, 20/04, 25/05, 77/05, 11/06, 24/06, 33/08, 37/08, 32/10, 48/11 - odluka US BiH, 63/11 - odluka US BiH, 18/13, 7/14, 31/16, 54/17 - odluka US BiH, 41/20, 38/2022, 51/22, 67/22, 24/24);

- Zakon o radu u institucijama Bosne i Hercegovine („Službeni glasnik BiH”, br.26/04, 7/05, 48/05, 60/10, 32/13, 93/17, 59/22 i 88/23);
- Zakon o državnoj službi u institucijama Bosne i Hercegovine („Službeni glasnik BiH”, br.19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12, 93/17 i 18/24);
- Zakon o policijskim službenicima Bosne i Hercegovine („Službeni glasnik BiH”, br. 27/04, 63/04, 5/06, 58/06, 15/08, 63/08, 35/09, 07/12 i 42/18);
- Zakon o upravi („Službeni glasnik BiH”, br.32/02, 102/09 i 72/17);
- Zakon o ministarstvima i drugim organima uprave Bosne i Hercegovine („Službeni glasnik BiH”, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17);
- Zakon o slobodi pristupa informacijama na nivou institucija Bosne i Hercegovine („Službeni glasnik BiH”, br. 61/23);
- Zakon o finansiranju političkih stranaka („Službeni glasnik BiH”, br. 95/12 i 41/16);
- Zakon o javnim nabavkama („Službeni glasnik BiH”, br.39/14, 59/22 i 50/24);
- Zakon o sprečavanju pranja novca i finansiranja terorističkih aktivnosti („Službeni glasnik BiH”, br.13/24);

Najbitniji podzakonski akti kojima se na nivou Bosne i Hercegovine direktno ili indirektno doprinosi prevenciji i borbi protiv korupcije:

- Kodeks ponašanja državnih službenika u institucijama Bosne i Hercegovine („Službeni glasnik BiH”, broj 49/13);
- Odluka o kancelarijskom poslovanju u institucijama Bosne i Hercegovine („Službeni glasnik BiH”, broj 74/14);
- Uputstvo o načinu vršenja kancelarijskog poslovanja u institucijama Bosne i Hercegovine („Službeni glasnik BiH”, br. 30/15, 7/16 i 52/16);
- Uputstvo o postupku i načinu izrade, načinu vođenja i sadržaju evidencije o pečatima, uništavanju i stavljanju van upotrebe pečata institucija Bosne i Hercegovine („Službeni glasnik BiH”, br.6/12 i 61/12);
- Pravilnik o zaštiti i čuvanju arhivske građe u Arhivu Bosne i Hercegovine i registratorske građe u institucijama Bosne i Hercegovine („Službeni glasnik BiH”, broj 10/03);
- Pravilnik o disciplinskoj odgovornosti državnih službenika u institucijama Bosne i Hercegovine („Službeni glasnik BiH”, br.20/03 i 94/10);
- Pravilnik o disciplinskoj i materijalnoj odgovornosti zaposlenika u institucijama Bosne i Hercegovine („Službeni glasnik BiH”, broj 81/07);
- Pravilnik o načinu ocjenjivanja rada državnih službenika u institucijama Bosne i Hercegovine („Službeni glasnik BiH”, br.59/11, 24/21 i 79/22);
- Pravilnik o uslovima i načinu obavljanja internih konkursa, internih i eksternih premještaja državnih službenika u institucijama Bosne i Hercegovine („Službeni glasnik BiH”, br. 62/10,30/14 i 38/17);
- Pravilnik o karakteru i sadržaju javnog konkursa, načinu provođenja intervjua i obrascima za provođenje intervjua („Službeni glasnik BiH”, br. 63/16, 21/17 i 28/21 i 38/23);

4. Strateški okvir u borbi protiv korupcije

- Strategija borbe protiv korupcije 2024.-2028. i
- Akcioni plan za provođenje Strategije borbe protiv korupcije 2024.-2028., doneseni od strane Vijeća ministara Bosne i Hercegovine je na 52.sjednici održanoj 18.06.2024.godine ("Službeni glasnik BiH", broj 50/24).

Za koordinaciju i nadzor nad provođenjem Strategije i Akcionog plana, te davanje mišljenja i instrukcija o pitanju njihovog provođenja nadležna je Agencija za prevenciju korupcije i koordinaciju borbe protiv korupcije.

5. Interni akti Agencije

U proteklom period Agencija je donijela niz podzakonskih internih akata (općih i pojedinačnih), kojima je upotpunjen pravni okvir koji treba da doprinese prevenciji i borbu protiv korupcije unutar Agencije. Postojeći interni podzakonski akti se po potrebi blagovremeno ažuriraju.

Najbitniji interni podzakonski akti Agencije:

- Pravilnik o unutrašnjoj organizaciji Agencije za osiguranje u Bosni i Hercegovini, br.02-02-2-322-53/19 od 25.04.2023.godine;
- interni akti kojima se reguliše stvaranja i evidentiranja obaveza, te izrada budžeta u Agenciji;
- interni akti kojima se reguliše evidentiranje i unos podataka u ISFU sistem;
- interni akti kojima se reguliše blagajničko poslovanje;
- interni akti kojima se reguliše isplata plata, naknada i stimulacije;
- interni akti kojima se reguliše službena putovanja zaposlenih u Agenciji;
- interni akti kojima se reguliše upotreba telefona;
- interni akti kojima se reguliše korištenje službenog vozila Agencije;
- interni akti kojima se reguliše korištenje reprezentacije u Agenciji;
- interni akti kojima se regulišu ugovorne usluge Agencije (ugovori o djelu, stručno obrazovanje, komisije, upravni odbor);
- interni akti kojima se reguliše popis imovine i obaveza Agencije;
- interni akti kojima se reguliše postupak provođenja javnih nabavki u Agenciji;
- interni akti kojima se reguliše finansijsko upravljanje i kontrola u Agenciji;
- interni akti kojima se reguliše prevencija i borba protiv korupcije.

IV- TABELARNI PREGLED AKTIVNOSTI ZA PROVOĐENJE AKCINOG PLANA BORBE PROTIV KORUPCIJE AGENCIJE

Strategijom i Akcionim planom je predviđeno da sve institucije Bosne i Hercegovine donesu vlasti plan borbe protiv korupcije koji treba da sadrži opće-standardizirane i specifične aktivnosti koje su definirane kroz Akcioni plan.

Obzirom da Akcioni plan ne sadrži specifične mjere koje bi se odnosile na Agenciju, u nastavku se daje tabelarni pregled općih aktivnosti koje će provoditi Agencija u periodu 2025.-2028.godina u cilju provođenja Strategije i Akcionog plana.

Opće aktivnosti iz Akcionog plana za provođenje Strategije borbe protiv korupcije 2025.-2028.

Redni broj	Aktivnost	Indikator-i realizacije	Tijelo/organizaciona jedinica Agencije nadležno za provođenje	Vremenski okvir realizacije	Resursi
1.	Uspostaviti saradnju sa svim nadležnim institucijama u cilju uspostave efikasnog mehanizma kontrole imovinskih/finansijskih obrazaca	Uspostavljena saradnja sa tijelima nadležnim za kontrolu imovinskih/finansijskih obrazaca	oba Odjeljenja Agencije	Kontinuirano	Redovna budžetska sredstva
		Omogućena provjera tačnosti podataka navedenih u imovinskim/finansijskim obrascima	oba Odjeljenja Agencije		
2.	Primjena metodologije/smjernica za upravljanje sukobom interesa državnih službenika	Primjenjena metodologija/smjernice nakon što ista bude usvojena od strane nadležnih institucija	oba Odjeljenja Agencije	2028.godina	Redovna budžetska sredstva
3.	Sprovođenje finansijskog upravljanja i kontrole (FUK) na sistemski način	Imenovan koordinator za FUK	Direktor Agencije	Kontinuirano	Redovna budžetska sredstva
		Imenovana radna grupa Agencije za održavanje i redovno ažuriranje sistema FUK u Agenciji (Radna grupa za FUK)-ažurirana po potrebi	Direktor Agencije		
		Donesen pravilnik o FUK-u/ažuriran po potrebi	- Direktor - Radna grupa za FUK		
		Ažuriran registar rizika poslovnih procesa	Radna grupa za FUK		

		Stalno unapređenje Sistema internih kontrola u poslovnim procesima			
		Doneseni interni akati o prenosu ovlaštenja i odgovornosti u obavljanju poslova/ažurirani po potrebi	Direktor		
		Razdvojene dužnosti u procesima izvršavanja transakcija	- Direktor - Odjeljenje za međunarodnu saradnju, finansije, statistiku i aktuarstvo		
		Donesen interni akt o raščlanjenim postupcima javnih nabavki u Agenciji/ažuriran po potrebi	- Direktor - Odjeljenje za usklađivanje zakonodavstva, arbitražu, pravne, kadrovske i opšte poslove		
		Donesen interni akt kojima je osigurano postojanje revizorskog traga o svim sprovedenim transakcijama i kontrolama	- Direktor - Odjeljenje za međunarodnu saradnju, finansije, statistiku i aktuarstvo		
4.	Identifikovati i procijeniti stepen rizika od korupcije u ključnim poslovnim procesima koji su najviše podložni	Identifikovan i procijenjen stepen rizika poslovnih procesa kod javnih nabavki i zapošljavanja u skladu sa smjernicama i preporukama CHJ MFT BiH/ažuriran po potrebi	Radna grupa za FUK		
		Sprovedena analiza uzroka rizika od korupcije u poslovnim procesima u skladu sa smjernicama i preporukama CHJ MFT BiH	Radna grupa za FUK	Kontinuirano	Redovna budžetska sredstva

	korupciji kroz procese javnih nabavki i zapošljavanja	Sprovedene mjere kojima se utiče na smanjenje stepena rizika od korupcije	-Direktor -oba Odjeljenja Agencije		
5.	Razvijati svijest rukovodilaca institucija javnog sektora o odgovornosti i ulozi rukovodilaca u procesu donošenja poslovnih odluka kojima se osigurava zakonito trošenje raspoloživih sredstava za realizaciju ciljeva institucije	Broj edukacija za direktora Agencije i šefove oba Odjeljenja Agencije o razumijevanju odgovornosti za pravilno i zakonito poslovanje Agencije	- Direktor Agencije - šefovi oba Odjeljenja	Kontinuirano	Redovna budžetska sredstva
		Održan kontinuitet pozitivnih mišljenja revizorskih institucija u odnosu na Agenciju	- Direktor Agencije - šefovi oba Odjeljenja		
		Održan kontinuitet revizorskih izvještaja bez ili minimalnim brojem izdatih preporuka za Agenciji	- Direktor Agencije - šefovi oba Odjeljenja		
6.	Usvajanje Plana borbe protiv korupcije Agencije za period 2025-2028	Pribavljeno pozitivno mišljenje APIK-a i usvojen Plan	- Direktor Agencije - Odjeljenje za usklađivanje zakonodavstva, arbitražu, pravne, kadrovske i opšte poslove	Kontinuirano	Redovna budžetska sredstva
		Agencija godišnje izvještava APIK o sprovođenju Plana borbe protiv korupcije	- Direktor Agencije - Odjeljenje za usklađivanje zakonodavstva, arbitražu, pravne, kadrovske i opšte poslove		
7.	Usvojen Plan integriteta Agencije u skladu Strategijom i Akcionim planom	Pribavljeno pozitivno mišljenje APIK-a i usvojen Plan	Direktor Agencije	Kontinuirano	Redovna budžetska sredstva
		Agencija redovno godišnje izvještava APIK o sprovođenju plana borbe protiv korupcije	- Direktor Agencije -državni službenik zadužen		


			za praćenje i nadzor nad provođenjem plana integriteta u Agenciji		
--	--	--	---	--	--

V – PRAĆENJE PROVOĐENJA AKCINOG PLANA BORBE PROTIV KORUPCIJE AGENCIJE

Za sve aktivnosti navedene u Akcionom planu borbe protiv korupcije Agencije, određena su tijela/organizacione jedinice i osobe zadužene za provođenje istih sa propisanim rokovima i indikatorima uspješnosti na osnovu kojih će se unutar Agencije lakše pratiti provođenje istih, te olakšati sačinjavanje redovnih periodičnih izvještaja prema Agenciji za prevenciju korupcije i koordinaciju borbe protiv korupcije.

Izvještaj o provođenju ovog Plana borbe protiv korupcije, Agencija će dostavljati Agenciji za prevenciju korupcije i koordinaciju borbe protiv korupcije najkasnije do kraja mjeseca marta naredne godine u odnosu na godinu za koju se izvještava.

Broj: 02-50-304-7/24
Sarajevo, 03-03-2025



Aktom br.06-07-4-190-2/25 od 19.02.2025.godine Agencija za prevenciju korupcije i koordinaciju borbe protiv korupcije je dala pozitivno mišljenje na ovaj Akcioni plan borbe protiv korupcije Agencije.